



Tajništvo/Sekretarijat
Hercegovačko-neretvanska županija Hercegovačko-neretvanski kanton
Federacija Bosne i Hercegovine
Bosna i Hercegovina

Dj. broj: 02-04-5296/22-4
Mostar, 11.04.2022. godine

Grad Mostar
Stručna služba Gradskog Vijeća
n/r tajnika Marije Soldo

Poštovana,

u privitku akta prosljeđujemo Vam odgovor na vijećničko pitanje, postavljeno od strane vijećnika Sanela Žuljevića na 19.sjednici Gradskog vijeća Grada Mostara održanoj 29.03.2022.godine, zaprimljenu od Odjela za društvene djelatnosti.

S poštovanjem,

GLAVNA SAVJETNICA

Radmila Komadina
Radmila Komadina

Dostaviti:

- 1. naslovu
- 2. Tajništvu Gradonačelnika
- 3. arhivi

(molimo Vas da ovaj obrazac popunjavate štampano i čitko)

VIJEĆNIČKO PITANJE

koje se postavlja na osnovu člana 187. stav 1. i 2. Poslovnika Gradskog vijeća Grada Mostara
na 19.sjednici održanoj 29.03.2022.godine

Sanel Žuljević

Vijećnik - ime i prezime

Vijećničko pitanje:

Da li Gradonačelnik u skladu sa svojim ovlaštenjima planira reagovati na činjenicu da je direktor osnovne škole pravosnažno osuđen ili se ovom šutnjom odobrava da nam uzor djeci budu pedagozi koji falsificiraju dokumenta?

Mostar, 29. 03.2022.godine

potpis



Odjel za društvene djelatnosti
Hercegovačko-neretvanska županija Hercegovačko-neretvanski kanton
Federacija Bosne i Hercegovine
Bosna i Hercegovina

Broj: 06-04-5296/22-4
Mostar, 06. 04. 2022. godine

GRAD MOSTAR
Tajništvo Gradonačelnika

Predmet: Odgovor na vijećničko pitanje – Sanel Žuljević

Vijećnik Sanel Žuljević, na 15. sjednici Gradskog vijeća postavio je vijećničko pitanje, u kojem traži informaciju „Da li Gradonačelnik u skladu sa svojim ovlaštenjima planira reagovati na činjenicu da je direktor osnovne škole pravosnažno osuđen ili se ovom šutnjom odobrava da nam uzor djeci budu pedagozi koji falcificiraju dokumenta?“

Odgovor:

Nakon saznanja o uvjetnoj osudi direktora osnovne škole „Mujaga Komadiná“ Mostar, tražili smo očitovanje Školskog odbora o istom, kao i resorni Ministar. Školski odbor je pripremio odgovor i isti dostavio Gradu i resornom Ministru. Tekst odgovora glasi – citat:

**„Ministarstvo obrazovanja, nauke, kulture i sporta HNK-a
Grad Mostar**

Predmet: Očitovanje, dostavlja se

Veza: Akt Grada Mostara i Ministarstva obrazovanja, nauke, kulture i sporta HNK-a broj: 05-01-30-548/22 od 16.03.2022. godine

Poštovani,

Aktom broj i datum veza zatražili ste hitno očitovanje o dosada učinjenom povodom informacije da je Semir Šejtanić citiramo: „pravomoćno osuđen za počinjenje kaznenog djela koje je počinio u svojstvu direktora Škole“.

Prema traženom možemo Vas izvijestiti o sljedećem:

Školski odbor izvršio je uvid u knjigu ulazne pošte ove javne ustanove i utvrđeno je da Školi nikada nije dostavljena nikakva presuda Općinskog suda u Mostaru, a niti od drugog nadležnog organa, a koja se odnosila na gospodina Semira Šejtanića.

Imajući u vidu odbredbu člana 304. Zakona o krivičnom postupku FBiH, a budući da nam nikakva presuda nije dostavljena od strane Suda, a niti putem Grada Mostara, kao osnivača, jasno se može zaključiti da škola nije oštećena.

Nadalje, može se zaključiti da Školskom odboru, na osnovu navedenog, Sud nije odredio nikakve mjere i radnje, te slijedom iznesenog nismo niti mogli postupati i nešto činiti, jer na isto nismo, u zakonom propisanom postupku, niti obvezni.

Dana 6.10.2021.god. Školski odbor je donio Odluku (Dj.br. 03-295/21) o raspisivanju konkursa na radno mjesto direktor škole, nakon čega je dana 7.10.2021. objavljen konkurs i isti je trajao 15 dana, od dana objavljivanja. U konkursu su objavljeni opći i posebni uslovi koje kandidat treba da ispunjava.

Na pomenuti konkurs prijavu je poslao prof.dr. Semir Šejtanić, a Konkursna komisija koja je formirana za provednu konkursa izvršila je uvid i u traženu dokumentaciju i ustanovila da je kandidat dostavio svu traženu dokumentaciju, između ostalog i:

- Uvjerenje MUP-a HNK-a o nekažnjavanju (Broj 02-02/06-03-02-12-268/21 od 1.10.2021.)
- Uvjerenje Suda o nevođenju krivičnog postupka (Broj: 58 0 Kr 1826 21 od 5.10.2021.)

Odluku o utvrđivanju prijedloga kandidata za direktora škole, Šejtanić Semira, (Dj.br. 03-320/21 od 27.10.2021.) u zakonom propisanom roku dostavljen je na mišljenje Gradu Mostaru i na Saglasnost Ministarstvu obrazovanja, nauke, kulture i sporta HNK-a). Po dobijanju potrebne saglasnosti i mišljenja, Školski odbor je donio Odluku o imenovanju direktora (03-415/21 od 9.12.2021.) .

Izabrani direktor, prof. dr. Semir Šejtanić je Školi nakon imenovanja ponovo dostavio:

- Uvjerenje MUP-a HNK-a o nekažnjavanju (Broj 02-02/6-03-02-12-339/21 od 20.12.2021.)
- Uvjerenje Suda o nevođenju krivičnog postupka (Broj: 58 0 Kr 2513 21 od 20.12.2021.)

Dana 3.3.2022. na prijedlog direktora, sazvana je i održana sjednica Školskog odbora na kojoj je direktor škole upoznao članove Školskog odbora o informacijama koje su javno iznesene na pojedinim portalima o uslovnoj osudi direktora škole, Šejtanić Semira. Direktor škole je članovima Školskog odbora dostavio na uvid Uvjerenje o radnom stažu izdano Kajtaz Aldenu zbog čega je direktor dobio uslovnu osudu. Direktor škole je Školskom odboru stavio svoj mandat na raspolaganje.

Školski odbor je razmotrio nastalu situaciju te je u skladu sa članom čl. 59 i čl. 62 Krivičnog zakonom F BiH utvrdio da je uslovna osuda mjera upozorenje i ne podrazumijeva lišenja i ograničenja ličnih prava i sloboda i kao takva ne izaziva pravljne posljedice (Čl. 117 Krivičnog zakona Federacije BiH, "Sl. novine FBiH", br. 69/2004", "Sl. novine FBiH", br. 42/2010) te je zaključio da prekidanja mandata direktora škole nije je u skladu sa Zakonom o osnovnom odgoju i obrazovanju (Sl.novine HNK-a" broj: 5/00., 4/04., 5/04, 1/14 i 7/16.) niti Pravilama škole (Dj. br. 02-370-1/011).

Nakon rasprave članova Školskog odbora, iskazana je podrška radu direktora škole i od njega je zatraženo da nastavi da obavlja svoj posao jer uslovna osuda nije kazna i ona samim tim nije smetanja obavljanu posla direktora škole. Direktor škole je predložio da on ponovo dostavi Uvjerenje MUP-a HNK-a o nekažnjavanju i Uvjerenje Suda o nevođenju krivičnog postupka. Članovi Školskog odbora su prihvatili prijedlog direktora škole i dogovorili se da se ponovo održi sjednica Školskog odbora, nakon što se izvade navedena uvjerenja nadležnih mjerodavnih institucija.

Dana 4.3.2022.godina održana je sjednica Školskog odbora na kojoj je direktor škole, dostavio nova uvjerenje od strane nadležnih mjerodavnih institucija:

- Uvjerenje MUP-a HNK-a o nekažnjavanju (Broj 02-02/6-03-02-12-12-82/22 od 4.3.2022.)
- Uvjerenje Suda o nevođenju krivičnog postupka (Broj: 58 0 Kr 611 22 od 4.3.2022.)

Direktor škole je ponovo stavio svoj mandat na raspolaganje. Članovi Školskog odbora su jednoglasno iskazali podršku radu direktora škole i zaključili da JU Osnovnom školom „Mujaga Komadina“ Mostar upravlja Školski odbor i da direktor škole ima podršku u svom radu ovog organa kao i Nastavničkog vijeća te da nastavi da obavlja svoj posao.

Školski odbor izuzetno cijeni rad Šejtanić Semira koji je Osnovnu školu „Mujaga Komadina“ Mostar učinio prepoznatljivo po pozitivnim aktivnostima i realizacijom velikog broja projekata koji su u velikoj mjeri podigli kvalitet nastave na veći nivo. Između velikog broja projekata, koje je teško i nabrojati, ističemo samo neke, koji su realizovani zahvaljujući direktoru Šejtanić Semir:

- Zamjena cjelokupnog školskog namještaja
- Rekonstrukcija cjelokupne školske sale
- Izmijena svih podova u školi
- Potpuna rekonstrukcija i uređenje školskog dvorišta
- Adaptacija svih mokrih čvorova
- Zamijena većeg dijela vanjskih otvora na školi
- Zamijena i postavljanje novih unutrašnjih otvora na svim učionicama
- Adaptacija školske zbornice
- Adaptacija kancelarija stručnih saradnika i administracije
- Adaptacija školske biblioteka
- Nabavka velikog broja naslova i lektira za učenike
- Opremanje kabineta informatike
- Nabavka laptopa za sve nastavnike
- Opremanje kabineta informatike i instalacija smart table
- Izgradnja produženog boravka škole
- Izgradnja prostorije za prijem roditelja
- Nabavka velikog broja nastavnih sredstava i pomagala
- Brendiranje škole
- Realizacija velikog broja humanitarnih, vannastavnih i vanškolskih aktivnosti,
- Realizacija velikom broja stručnog usavršavanja nastavnika, itd.

Na kraju, Školski odbor još jednom iskazuje punu podršku radu direktora škole, prof.dr. Šejtanić Semira te smatra da zlonamjerni medijski i svaki drugi pritisak koji se vodi protiv direktora škole, treba da prestane jer se na taj način šteti ugledu škole i ličnosti Šejtanić Semir.

Prema prednjem, smatramo da smo dali odgovor na sva pitanja koja ste postavili u svom aktu, te za sve daljnje informacije stojimo vam na raspolaganju.

Predsjednik Školskog odbora
Almira Šunje“

Iz odgovora Školskog odbora može se vidjeti da je direktor stavio mandat na raspolaganje i Školski odbor isti nije prihvatio uz obrazloženje koje je dato u dopisu Gradu i Ministru ("Nakon rasprave članova Školskog odbora, iskazana je podrška radu direktora škole i od njega je zatraženo da nastavi da obavlja svoj posao **jer uvjetna osuda nije kazna i ona samim tim nije smetanja obavljanu posla direktora škole.** Direktor škole je ponovo dostavio Uvjerenje MUP-a HNK-a o nekažnjavanju i Uvjerenje Suda o ne vođenju krivičnog postupka. Direktor škole je u dosadašnjem periodu Školu učinio prepoznatljivom po pozitivnim aktivnostima i realizacijom velikog broja projekata koji su u velikoj mjeri podigli kvalitetu nastave na veći nivo").

Grad Mostar je prihvatio obrazloženje organa upravljanja u Školi – Školskog odbora O.Š „Mujaga Komadina“ i neće poduzimati nikakve dodatne mjere za opoziv direktora škole.

Načelnik

Božo Ćorić

Dostaviti:

1. Tajništvo Gradonačelnika
2. Odjel za društvene djelatnosti
3. a/a

